

Rezolusaun 1889 (2009)

Mak Konsellu Seguransa nian adota tiha iha nia sorumutu da-6196, iha 5 Outubru 2009

Konsellu Seguransa nian,

Afirma fali nia kompromisu ho implementasaun kontinua ho tomak, iha haforsa malu , husi rezolusaun 1325 (2000), 1612 (2005), 1674 (2006), 1820 (2008), 1882 (2009), 1888 (2009) no deklarasaun relevante hotu husi sira nia presidente,

Tuir lia-hadalan husi propózitu no prinsípiu husi Nasoins Unidas nia Karta, i *hanoin hela* responsabilidade primária husi Konsellu Seguransa nian iha okus Kontratu ba manutensaun husi dame no seguransa internasionál,

Hanoin filafali kona-ba determinasaun maka espresa iha Dokumentu Finál husi Smeira Mundiál husi Assembleia Jerál Nasoins Unidas nian (*United Nations General Assembly World Summit Outcome Document*)(A/RES/60/1) atu halakon forma hotu husi violénsia kontra feto no labarik feto sira, obrigasaun husi Parte Estatál sira iha Konvensaun kona Halakon Forma Hotu husi Diskriminasaun kontra Feto sira np nia respetivu Protokolu Opsionál , Konvensaun kon aba Direitu husi Labarik sira no respetivu Protokolu Opsionál, hanoin filafali ba kompromisu kaer tiha iha Deklarasaun Pekín nian no Plataforma ba Asaun, ho mós sira maka hela iha dokumentu husi daruanuluk resin tolu Sesaun Espesiál husi assembleia Jerál Nasoins Unidas nian ho naran “Feto 2000: Igualdade jéneru, Dezenvolvimentu no dame ba sékulu da-21” (A/S-23/10/Rev.1), iha partikulár kona-ba feto sira iha konfliktu-armadu,

Konsidera tiha ona relatóriu husi Sekretáriu-Jerál (S/2009/465) husi 16 Setembru 2009 i *salienta* hela katak rezolusaun prezente ne'e la buka halo kualkér determinasaun legál kona-ba se situasaun ne'ebé refere iha relatóriu husi Sekretáriu-Jerál sei nu'udar ka la nu'udar konfliktu-armadu tuir kontestu husi Konvensaun husi Konvensaun Jenebra nian no nia Protokolu Adisionál sira, ho mós la prejudika estatutu legál husi parte la-estatál ne'ebé envolve iha situasaun hirak-ne'e,

Simu ho laran-kmaan haka'as an husi Estadu-Membru iha implementasaun husi rezolusaun 1325 (2000) iha nivel nasional, inklui dezenvolvimentu husi planu asun nasional sira, i *hametin laran* nia husi Estadu-Membru atu kontinua tuir implementasaun ne'e,

Hatete fali nesesidade ba partisipasaun tomak igualitária no efetiva husi feto sira iha faze hotu husi prosesu dame tanba sira nia papél fundametál iha prevensaun no rezolusaun husi konfliktu no konstrusaun dame, *afirma fali* katak feto bele hala'o papél-xave atu hadi'a fali tesidu husi sosiedade i salienta nesesidade husi sira nia envolvimentu iha implementasaun husi estratéjia pos-konfliktu atuhodi sei tau matan ba sira nia perspetiva no nesesidade sira,

Manifesta preokupasaun duni ho sub-representasaun husi feto sira iha faze hotu husi prosesu dame, liuliu númeru ki'ik husi feto iha papél formál iha prosesu mediasaun i salienta nesesidade atu aseguira katak feto sira hetan nomeasaun apropriadu iha nivel tomada desizaun, nu'udar mediadór altu nivel, i iha laran kompozisaun husi ekipa mediadór,

Sei hela preokupasaun duni kona-ba susar persistente atu feto sira envolve tomak iha prevensaun no rezolusaun husi konfliktu i partisipa iha vida públiku pos-konfliktu, nu'udar rezultadu husi violénsia no intimidasaun, falta seguransa no falta husi Estadu direitu, diskriminasaun kulturál no

estigmatiza saun, inklui aumentu husi pontudevista estremista no fanátiku kona-ba feto, no fatór sócio-ekonómiku, inklui la iha asesu ba edukasaun, i, kona-ba respeitu ne'e, *rekoñese* katak marjinalizasaun husi feto bele atraza ka halakon hala'o husi dame nafatin, seguransa no rekonsiliaun,

Rekoñese nesesidade espesifika husi feto ho labarik feto sira iha situasaun pos-konflitu, inklui, nomeadamete, seguransa fízika, servisu saúde inklui saúde reprodutiva no mentál, forma atu garante sira nia moris, direitu ba rai ho propriedade, kaer servisu, ho mós nia partisipasaun iha tomada desizaun no planu pos-konflitu, espesiál liu iha faze inisiál husi harii dame pos-konflitu,

Observa katak mézmuke iha progresu, sei iha susar atu haforsa feto sira nia partisipasaun iha prevensaun konflitu, rezolusaun konflitu ho harii dame kontinua, *manifesta preokupasaun* katak kapasidade husi feto atu partisipa iha desizaun rekuperasaun publika no ekonomia dala barak la simu rekoñesimentu ka finansiametu ida adekuaudu iha situasaun pos-konflitu, i subliña katak finansiametu ba feto nia nesesidade rekuperasaun lalais nu'udar fundametál atu aumenta kbiit feto nian, saida bele ajuda ba konstrusaun efetiva husi dame iha pos-konflitu,

Observa katak dala ruma iha situasaun konflitu-armadu i iha situasaun pos-konflitu kontinua ema kontinua konsidera feto sira nu'udar vítima e la'ós nu'udar atór atu kaer no rezolve situasaun konflitu-armadu i salienta nesesidade atu tau foku la'ós iha protesasaun feto sira de'it maibé ho mós iha nia kapasitasaun iha harii dame,

Rekoñese katak kompriensaun husi situasaun konflitu-armadu nia efeitu kona-ba feto ho labarik feto sira, inklui mós refujiadu no ema dezlokadu internamentu, resposta loos no lalais ba sira nia nesesidade espesifika no providénsia institusionál efikás hodi garante nia protesasaun no partisipasaun tomak iha prosesu dame, liuliu iha faze inisiál husi harii dame pos-konflitu, bele kontribui loos ba manutensaun no promosaun dame no seguransa internasionál,

Simu ho laran-kmaan inisiativa husi Nasoins Unidas atu dezenvolve sistema ida hanesan husi Programa Dezenvolvimentu husi Nasoins Unidas (*United Nations Development Programme*) atu fó permissaun ba ema ne'ebé kaer tomada desizaun hodi halo rejistu husi atribuisaun ho relasaun ho jéneru iha Nasoins Unidas nia Grupu Dezenvolvimentu Fundu Fidusiáriu Multi-Doadór (*United Nations Development Group Multi-Donor Trust Funds*)

Simu ho laran-kmaan haka'as an husi Sekretáriu-Jerál atu hili feto tan ba kargu iha Nasoins Unidas, liuliu iha misaun kampu, nu'udar hakat konkritu ida hodi hametin lideransa Nasoins Unidas atu hala'o rezolusaun 1325 (2000),

Simu ho laran-kmaan kriasaun futura husi Diresaun Komisaun Nasoins Unidas atu hadi'a vizibilidade no haforsa koordenasau iha ámbitu sistema Nasoins Unidas ho relasaun preparativus ba aniversáriu da-10 husi rezolusaun 1325 (2000),

Hametin atór relevante *nia laran* atu organiza eventu iha 2009-2010 nia laran, iha nivel glbál, rejionál no nasional hodi aumenta konxiénsia kona-ba rezolusaun 1325 (2000), inklui eventu ministeriál sira, atu hafoun fali kompromisu ho “Feto no dame no Seguransa” (*Women and peace and security*), identifika maneira atu hasoru dezafiu restante no foun sira iha implementasaun husi rezolusaun 1325 (2000), iha futuro,

1. *Halo apelu* ba Estadu-Membru sira, organizasaun internasionál no rejionál atu lori medida foun hodi hadi'a partisipasaun husi feto iha etapa hotu husi prosesu dame, partikularmente iha rezolusaun konflitu, planeamentu pos-konflitu no harii dame, inklui, aumenta sira nia partisipasaun iha polítika no tomada desizaun polítika no ekonomia iha faze dahuluk husi prosesu rekuperasaun, nomeadamete liu promosaun ho lideransa ho kapasidade atu envolve iha jestaun ajuda no

- planeamentu, apoia organizasaun fetu , i hasoru hahalok sosiál negativu kona-ba kapasidade husi fetu sira hodi sira partisipa iha forma igualitária;
2. *Hatete fali* nia apelu ba parte hotu iha konflitu-armadu atu sei respeita ho forma tomak direitu internasionál aplikavel ba direitu no protesaun husi fetu ho labarik fetu sira;
 3. *Kondena duni* violasaun hotu maka hala'o tiha husi direitu internasionál aplikavel kontra fetu no labarik fetu iha situasaun konflitu-armadu no situasaun pos-konflitu,ezije katak parte hotu hapara konflitu ho efektu imediatu kedas, i *tau asentu* ba responsabilidade husi Estadu hotu atu halakon impunidade i hala'o prosesu husi responsavel sira husi forma hotu husi violénsia hala'o tiha kontra fetu no labarik feti sira iha konflitu-armadu, inklui violasaun ho violénsia seksuál oin-seluk;
 4. *Fó insentivu* ba Sekretáriu-Jerál atu dezenvolve estratéjia ida, inklui liu formasaun adekuada, atu aumenta fetu nia número ne'ebé hetan naran hodi eskritóriu loos iha nia naran, iha partikulár nu'udar Representante Espesiál no Enviadu espesiál, i kaer medida atu aumenta partisipasaun husi fetu iha polítika Nasoins Unidas, misaun harii no manutensaun dame;
 5. *Husu* ba Sekretáriu-Jerál atu asegura katak país hotu sei haruka ba Konsellu Seguransa informasaun kona-ba impaktu husi situasaun konflitu-armadu kona fetu no labarik fetu sira, sira nia nesesidade partikulár iha situasaun pos-konflitu no susar maka hetan atu halakon nesesidade hirak-ne'e;
 6. *Husu* ba Sekretáriu-Jerál atu asegura katak korpu relevante sira husi Nasoins Unidas, ho kooperasaun ho Estadu-Membru no sociedade sivíl, sei klibur dados kona, analiza ho halo avaliasaun sistemátika husi nesesidade espesifika husi fetu no labarik fetu sira iha situasaun pos-konflitu, inklui, nomeadamete, informasaun kona-ba nia nesesidade seguransa fízika ho partisipasaun iha tomada desizaun no planeamentu pos-konflitu, hodi hadi'a hataan husi sistema tomak ba nesesidade hirak-ne'e;
 7. *Manifesta* nia intensaun, liu estabelese no hafoun fali mandatu husi misaun Nasoins Unidas, atu inklui dispozisaun sira ho relasaun ba promosaun igualdade jéneru ho kapasitasaun husi fetu iha situasaun pos-konflitu, i *Husu* ba Sekretáriu-Jerál sei kontinua, nu'udar apropriadu, atu aponta asesór jéneru i/ka konselleiru protesaun-fetu ba misaun husi Nasoins Unidas i husu ba sira, iha kooperasaun ho UNCT, atu hala'o assisténsia téknika no hadi'a haka'as an ba koordenaun hodi hataan ba nesesidade fetu ho labarik fetu sira nia iha situasaun pos-konflitu;
 8. *Halo apelu* ba Estadu-Membru sei garante integrasaun jéneru iha harii dame hotu iha pos-konflitu no prosesu no setór rekuperaun ;
 9. *Halo apelu* ba Estadu-Membru, korpu Nasoins Unidas nian, doadór sira no sociedade sivíl atu garante katak kapasitasaun fetu nian sei kaer duni durante avaliasaun ho planeamentu husi nesesidade pos-konflitu, i sei hetan konsignasaun husi finansiamentu posteriór ho atividade husi programa, inklui mós desenvolvimentu husi análise moos no motorizasaun husi rekursu maka dezigna hodi hataan ba nesesidade husi fetu iha faze pos-konflitu;
 10. *Hametin* Estadu Membru sira *nia laran* iha situasaun pos-konflitu, iha konsulta ho sociedade sivíl, inklui organizasaun fetu, atu espesifika ho detalhe nesesidade husi fetu ho labarik fetu no prioridade no planu estratéjia konkreta, tuir sira nia sistema jurídiku sira, atu hataan ba nesesidade ho prioridade hirak-ne'e, ne'ebé kona hela nomeadamete apoiu ba seguransa fízika di'ak liu no kondisaun sosio-ekonómika di'ak liu, liu meu edukasaun, atividade haburas renda, asesu ba servisu báziku, iha espesiál servisu saúde, inklui saúde seksuál no reprodutiva i direitu reprodutivu no saúde mentál, sensibilidade jéneru iha aplikasaun lei no asesu justisa, ho mós kapasidade atu hadi'a kapasidade hodi envolve iha tomada desizaun publika iha nivel hotu;

11. *Halo apelu* ba Estadu Membre sira, organizmu husi Nasoins Unidas no sosiedade sivíl, inklui organizasaun la-governamentál sira , atu kaer medida posivel hotu atu garante ba fetu ho labarik fetu sira igualdade asesu ba edukasaun iha situasaun pos-konflitu, tanba papél importante duni husi edukasaun ba promosaun fetu nia partisipasaun iha tomada desizaun iha pos-konflitu;

12. *Fó insentivu* ba parte hotu iha konflitu-armadu atu respeita ema sivíl no karakter umanitariu husi kampu ho akampamentu refujiadu, i asegura protesaun kona-ba sivíl hotu ne'ebé hela iha kampu hirak-ne'e , liuliu fetu ho labarik fetu sira, husi forma hotu husi violénsia, inklui violasaun no violénsia seksuál oin-seluk, i atu asegura asesu umanitariu tomak no livre ba sira;

13. *Fó insentivu* ba envolvidu hotu iha planeamentu ba dezarmamentu, dezmobilizasaun no reintegrasaun hodi hanoin kona-ba nesesidade partikulár husi fetu ho labarik fetu sira ne'ebé iha asosiasaun ho forsa no grupu armadu no ba sira nia oan, i sei fó ba sira asesu tomak ba programa hirak-ne'e;

14. *Hametin laran* husi Komisaun Konsolidasaun dame no Ajénsia Apoiu Konsolidasaun husi dame atu kontinua garante atensaun sistemátika ida ho mobilizasaun husi rekursu ba promosaun igualdade jéneru i kapasitasaun husi fetu sira nu'udar parte integrante iha harii dame iha pos-konflitu, i atu fó insentivu ba partisipasaun tomak husi fetu iha prosesu hirak-ne'e;

15. *Husu* ba Sekretáriu-Jerál, iha ninia ajenda sei asaun atu hadi'a haka'as an husi konsolidasaun dame husi Nasoins Unidas, hodi hanoin hela iha nesesidade hadi'a partisipasaun husi fetu sira iha tomada desizaun polítika ho ekonomia hori faze uluk husi prosesu harii dame;

16. *Husu* ba Sekretáriu-Jerál atu garante transparénsia totál, kooperasaun no koordenaun husi haka'as an iha leet Representante Espesiál husi Sekretáriu-Jerál kona-ba Labarik ho Konflitu-Armadu (*Special Representative of the Secretary-General on Children and Armed Conflict*) ho Representante Espesiál husi Sekretáriu-Jerál koba ba violénsia seksuál ho konflitu-armadu ne'ebé nia nomeasaun Husu tiha iha rezolusaun 1888 (2009) ;

17. *Husu* ba Sekretáriu-Jerál katak sei apresenta ba Konsellu Seguransa iha fulan 6 nia laran, ba análise, konjuntu ida husi indikadór atu uza iha nivel globál hodi hare implementasaun husi rezolusaun 1325 (2000), saida bele serve nu'udar baze komún hodi relata liu entidade relevante husi Nasoins Unidas, organizasaun internasionál no rejionál seluk no Estadu Membre, kona-ba implementasaun husi rezolusaun 1325 (2000) iha tinan 2010 i liu ida-ne'e;

18. *Husu* ba Sekretáriu-Jerál , iha relatóriu ne'ebé Husu iha S/PRST/2007/40, atu inklui mós avaliasaun ida husi progresu hala'o tiha iha implementasaun husi nia rezolusaun 1325 (2000) , avaliasaun ida husi prosesu liu sira ne'ebé Konsellu Seguransa sei simu, analiza no kaer medida iha informasaun pertinente hotu ba rezolusaun 1325 (2000), rekomendasaun sira kona-ba medida foun sira atu hadi'a koordenaun leet sistema Nasoins Unidas ho Estadu Membre ho sosiedade sivíl atu entrega implementasaun ho dadus kona partisipasaun husi fetu sira iha Nasoins Unidas nia misaun sira;

19. *Husu* ba Sekretáriu-Jerál katak apresenta relatóriu ida ba Konsellu Seguransa iha fulan 12 nia laran kona-ba partisipasaun no inkluziun husi fetu iha harii dame no planeamentu iha períodu hafoin konflitu , kaer hela konsiderasaun husi pontudevista husi Komisaun Konsolidasaun ba dame i inklui, nomeadamete:

a. Análize kona-ba nesesidade espesifika husi fetu ho labarik fetu sira iha situasaun pos-konflitu,

b. Dezafiu ba partisipasaun fetu sira iha rezolusaun konflitu no harii dame no integrasaun jéneru iha planeamentu pos-konflitu hotu dahuluk, prosesu rekuperasaun no finansiamentu ,

c. Medida atu apoia kapasidade nasionál iha planeamentu ba hataan finanseiru kona-ba nesesidade husi feto no labarik feto sira iha situasaun pos-konflitu,

d. Rekomendasaun sira atu hadi'a hataan internasionál no nasionál kona-ba nesesidade feto no labarik feto sira iha situasaun pos-konflitu, inklui dezvoltimentu mekanizmu efetivu finanseiru no institusionál atu garante feto-nia partisipasaun tomak no igualitária iha prosesu harii dame,

20. *Deside* sei kontinua envolve ho forma ativa iha asuntu.